

5

I

QUÆSTIO MEDICA

QUODLIBETARIIS DISPUTATIONIBUS

MANE DISCUTIENDA

IN SCHOLIS MEDICORUM.

Die Jovis 25. Januarij.

M. JOANNE CORDELLE

DOCTORE MEDICO, PRÆSIDE.

*An Cephalæ venarum jugularium sectio?*

I

UT Principis Regia esse solet aliorum ædibus instru-  
ctior, ita caput Rationis animæ facultatum reginæ  
domicilium, cæteris corporis partibus est longè elaboratius;  
quæcumque illarum singulæ complectuntur, hoc solum com-  
plectitur omnia: in sui meditullio cerebrum recondit visce-  
rum ut excelssimum ita & excellentissimum, cujus substan-  
tia sequax & cerea, magnæ glandulæ non absimilis, innume-  
ris vasorum rivulis irrigua, quatuor sinubus, quos plexus  
chorœidis propagines interius perreptant, excavata, duplici  
membranarum involucri circumtectâ est; quibus cranium,  
seu osseum vallum, & ipsum propriâ membranâ, aliisque com-  
munibus tegumentis obvolutum, fornicis in modum circum-  
jicitur. Mirum profectò in multiplici adeò structurâ naturæ  
artificium; sed quò elaboratius, eò in morbos proclivius;  
hinc caput nulli non patet morborum generi: laborat pro-  
prio vitio; laborat alieno; dum excipit quidquid impuri ma-  
le moratæ partes infernæ efferunt sursum: hinc universæ  
molis spurcicies, nervorum irritatio, ductuum infarctus, op-  
pletio ventriculorum, membranarum oblatio, à quibus er-

2.  
rores mentis, spasmi, cataphorici affectus, cephalalgia, quæ frequentiores eò sunt ac acerbiores, quò major & exquisitior in capite nervorum ac membranarum apparatus.

I I.

**D**OLORUM capitis non unus idemque modus, sed varia multiplexque ratio. Cephalalgia modò tentatur caput, modò Cephalæa. Illa potius sequitur efficientis causæ vehementiam; hæc potius vitium & infirmitatem causæ suscipientis: scilicet quæcumque Cephalæam procreat efficiens causa, ea semper levis est ac imbecillis, ac longè mitior quàm quæ Cephalalgiam parit. Hinc Cephalææ contumacia major; nam quicumque morbi à causæ suscipientis imbecillitate sobolescunt, ij longè graviores contumacioresque existunt, quàm qui sequuntur vim efficientis. Cephalæa dolor est capitis consuetus, agrè cedens, inveteratus, qui parvis ortus initis, savissimas habet exacerbationes. Qui eà tentantur neque adstantium strepitus ferre possunt, neque vel leviores loquentium susurros, non luminis splendorem, non potionem vini, non caput ferientes odores, non agitationem vel minimam sustinere. Ob doloris magnitudinem otium quærunt ac tenebras, ut quibus veluti malleo caput pertundi videatur, aut eas, quæ circa caput sunt, membranas quasi distendi ac divelli: iisdem aures sonant; oculi rubore perfunduntur; venæ frontis distenduntur; rubor faciem occupat; nec rarò usque ad oculorum radices dolor extenditur.

I I I.

**C**E P H A L Æ Æ inducendæ non sufficit Dyscratia: id solùm quod sentientium in capite partium continuitatem solvit, ejus est causa. Aër nempe sive ab igne, sive à sole calidior; frigus nimium; ventus Aquilonaris ac Austrinus; odor gravis; percussio, ictus, casus; humor aut vapor biliosus, acer ac membranas feriens, dolorem parit acrem erodentem, ac veluti perforantem; gravantem frigidus ac pituitosus; flatuum aut humorum mitiorum exuperantia, qui inter calvam & pericranium, vel inter calvam duramque meningem se se insinuant, easque membranas diducunt ab osse, distendentem: sanguis tenuis ac biliosus, imò & spiritus redundans, quo distentæ ac turgentes arteriæ pulsant vehementius membranasque concutiunt, pulsanter. Sic pro-

3

causarum varietate varia multiplexque Cephalææ idea ac species, cujus impetus experitur, quisquis minùs cautè se gerens, ejus causas congerit intra se; hinc sexus uterque quolibet tùm anni, tùm ætatis tempore Cephalææ obnoxius; fœminæ tamen frequentius eâ tentantur, ob desidem vivendi rationem & nimiam in alendis ac ornandis capillis diligentiam.

IV.

**C**EPHALÆA, chronicus affectus, longas polliceri videtur inducias, sed fucatas & fallaces, quibus non nisi ignavus fidat & imprudens: incautos sæpiùs in terrore plenos affectus præcipitat; commotis agitatisque spiritibus, vigilias accersit insuperabiles; eversâ cerebri œconomîâ delirium parit ac insaniam; humore in oculos prolabente cæcitatem inducit; eodem cerebri substantiam imbuente, aut reticulos opplente, Apoplexiam; nervos obstruente, ac spirituum commeatus impediante Paralytim affert, Lethargum si putrescat, Epilepsiam si malignè corrumpatur. Occasio igitur etiam in Cephalæâ præceps, ac summum in morâ periculum. Medicus statim opitulatrices adhibeat manus: ad sanguinis missionem tutissimam illam morborum omnium anchoram, quàm citò intrepidèque confugiat: sanguis ex utraque Cephalicâ, virium habitâ ratione, subinde detrahendus & clismis paulò acrioribus alvus proluenda: venarum, quæ ad malleolum sunt, sectio, propter nimiam distantiam vix quidquam promovere par est: Ranuncularum sub linguâ venarum divisio ob exiguitatem inutilis: Cucurbitulæ, rubificantia, scarificationes, capillorum deraasio, vix ullius sunt momenti: purgantia etiam validiora impactam materiam adurerent; Errhina spiritus redderent concitatiores: utramque paginam adimplebit venarum jugularium sectio in Cephalææ curatione nunquam prætermittenda.

V.

**M**ETICULOSUS nimium, qui jugularium sectionem reformidat, ipsis veterinariis familiarem; peritus Chirurgus qui eam administret, advocetur: collum non constringat arctius, ne præfocet, sed laxam ex ratione ligaturam circumducatur, ut sanguis hoc pacto non guttatim, sed rivulosè erumpere queat. Vulnus sit non amplum, non par-

vum, sed mediocre: non transversum, sed obliquum. Ubi sanguis erit sistendus, amoveatur ligatura, & statim ejus fluxus inhibebitur: nullâ emplastri mastichini, nullâ futuræ necessitate, si ex arte vas fuerit apertum. Venæ jugulares internæ sunt aut externæ: Externæ sub cute sursùm repentes, capitis partibus externis prospiciunt: internæ ad tracheæ Arteriæ latera descendentes, ac in crassam meningem ejusque sinum desinentes, consulunt internis: magnum inter utrasque commercium est, adeò ut, si in Cephalæâ externæ aperiuntur, affectus, sive internus, sive externus fuerit, in propriis laribus jugulabitur: humor morbi parens viâ maximè certâ ac perbreui, haud dubiè foras protrudetur; revulsio fiet ac derivatio; Seri agrestioris, ac bilis fervidioris componetur Orgasmus: quibus, ut exeant acriores fuligines ac ferocientes spiritus, referabuntur ostia. Quid plura? uno remedio omne in perlanandâ Cephalæâ negotium adim-plebitur.

*Ergo Cephalææ venarum jugularium sectio.*

# DOMINI DOCTORES DISPUTATURI.

*M. Antonius le Moine.*

*M. Petrus Legier.*

*M. Germanus Preaux.*

*M. Guido Crescentius*

*M. Nicolaus Robin.*

*M. Franciscus Blondel.*

*Fagon, familia Regina*

*Medicus ordinarius.*

*M. Iacobus de Bourges.*

*M. Franciscus Sorand.*

*M. Iacobus Renaut.*

Proponerebat Lutetiæ CLAUDIUS MARILLIER,  
Neocastrensis, A. R. S. H. MDCLXXIV.

P A R I S I I S,

Ex Typographiâ FRANCISCI MUGUET, Regis ac Illust.  
Archiepiscopi Typographi.